



Cetvorica osumnjičenih dilera saslušavani u Tužilaštvu

# Zemanić i Mahović uhvaćeni s drogom

Elvedin Zemanić izjavio da je rođaka Mirzu Mahovića autom prevezio na Stup i da nema nikakve veze s drogom • Uhapšeni i Samir Kondo i Samir Misić



Privođenje osumnjičenih u Tužilaštvo Kantona Sarajevo

(Foto: M. Kadrić)

Pripadnici Državne agencije za istrage i zaštitu (SIPA) jučer su Tužilaštvu Kantona Sarajevo predali Elvedina Zemanića, Samira Kondu, Mirzu Mahovića i Samira Misića, osumnjičene za neovlaštenu proizvodnju i stavljanja u promet droge.

## Pretrčeni objekti

Kantonalnom tužilaštvu Sarajevo predate su u nadležnost četiri osumnjičene osobe zbog krivičnog djela neovlaštena proizvodnja i promet droga. Postupajući tužilac donio je naredbu o njihovom zadržavanju u trajanju od 24 sata, nakon čega će donijeti odluku o daljnjim

mjerama protiv njih - kazao je Alem Hamzić, portparol Tužilaštva KS.

Podsjećamo, pripadnici SIPA-e četvoricu narkodilera uhapsili su prethodno jučer u okviru akcije kodnog naziva "Glečer"

na području Sarajeva zbog neovlaštene proizvod-

nje i stavljanja u promet droge, te zaplijenili oko šest kilograma droge.

U okviru ove akcije do sada je zaplijenjeno oko pet kilograma skanka i oko jedan kilogram spida. Pretreseni su objekti na više lokacija na području Sarajeva radi pronalazjenja i privremenog oduzimanja predmeta koji mogu poslužiti kao dokaz u daljnjem postupku.

Moj klijent Elvedin Zemanić negirao je da

ima ikakve veze s krivičnim djelom za koje se tereti. Rekao je da je samo htio prebaciti rođaka do Stupa koji ga je nazvao, a kome se auto pokvario - izjavio je za "Avaz" Zemanićev advokat Omar Mehmedbašić.

## Negirao krivicu

Kako nezvanično saznajemo, Zemanićev rođak Mirza Mahović, koji je donio torbu, potvrdio je njegovu priču.

U torbi se nalazilo pet kilograma skanka i kilogram spida. Inače, Zemanić je odranije poznat policiji po činjenju krivičnih djela.

Dž. BULBUL



**MEHMEDBAŠIĆ:**  
Zastupa Zemanića